

Gingqdaeuz Geiqloeg Yiengh Vuzsiz, Gvanghyingj Vehbaenz Binhhuz Dozgingj Moq

Bonjbauq siusik (gicej Vangz Yin) Gaenh ngoenz neix, daengx guek sinhvwnz ingjsiengq gicej Majgwzsw h cuji sinhvwnzgvanh caeuq sinhvwnz ingjsiengq yezvu beizyinbanh youq Gyanghsuh Vuzsiz guh. Henz Daihuz, gyoengq vunzak ingjsiengq daj daengx guek gak dieg daeuj haenx doxcomz gizneix, aeu gingqdaeuz geiqloeg Vuzsiz Binhhuz Gih gij saedhengz sengdoengh gohgi cauhoq, canjnieb swnggaep caeuq vwnzva cienziep.

Cinghmingz Giuz Lizensij Vwnzva Gaihgi dangguh aen daizheiq 2025 nienz Yanghsi Cunhvanj Vuzsiz faenhohciengz, aeu cien bi dahyinh guh maeg, doenggvaq suijmu gvanghyingj, cenzsiz douzyingj daengj gisuz, gig ndei yungzhab gij unqndei mbanjraemx Gyanghnanz caeuq gij lingzdoengh susw gohgi, dwg gij gejgangj “honghraemx Gyanghnanz” seizneix. Caeuq neix doengzseiz, gij canjnieb cauhoq Binhhuz Gih doengzyiengh iengsagsag: Siznanz Gohgi haejsim lingyiz guh mbaeu giceh, gij doxgaiq gvamq yazgigih cingmaed de gai daengz seiqgyaiq gak dieg; Lungzswng Sinhwnngzyenz baengh yenzgiu haifat dietsim gihdung dengih, caenx ndang hangznieb baihnaj; Luzboh Meijsuzgvanj cix doenggvaq gajcau ranz gaeuq gunghcangj, dajcauh aen gunghung vwnzva ndawhoeng ndeu comz langhbaij yisuz, haw doxgaiq vwnzva youq doxcaez.

Swngdhai gensez hix dwg gij ronghsaek Binhhuz. Cangzgvangjih Diegcumx Gunghyenz doenggvaq swngdhai coihfuk laebhwnj diuz loh saekheu raez 2 goengleix, Nenhvahvanh aeu “sim seuq dieg seuq raemx seuq” guh saekdaej, dwg aen denjfan cinwngz lijyouz caeuq swngdhai youqndwi. Dahliengzhihhoz ceihleix gunghcwnz yungh gihgiyinz miz loek, damqdieg leizdaz daengj gohgi soujduenh, dwk doeng “lwedguenj” diegraemx, caiq yienh gij dozveh swngdhai “cib leix hongh veh”; Veisanh Singzgeq dwg aen “lizensij bozvuzgvanj dangdien” Vuzsiz, aeu swzdangz vwnzva, gujdenj yenzlinz lienzdaemh faenzmaeg hawsingz.

Baez hozdung caijfungh neix, gyoengq gicej doenggvaq gingqdaeuz gaep gij yaepyet gohgi caeuq swngdhai doxyungz, conzdungj caeuq yendai doiqvah, mboujdan yienh’ ok le Vuzsiz gak fuengmienh hwngfat ndei, engq aeu gij rengz ingjsiengq cienzsoengq ok gij rengzhoengh cauhoq caeuq yinzvwnz vwnhdu Binhhuz Gih. Cienz gvanghyingj caeuq swhsiengj doxbungq neix, cingq dwg saedhengz sengdoengh sawjmingh sinhvwnz ingjsiengq seizdaih moq.

- ① **Ljisiengj gyahyenz Segih.**
- ② **Ljisiengj gyahyenz Segih gyoengq vunzgeq baizdoih daek haeux.**
- ③ **Luzboh Meijsuzgvanj boux hekyouz daejniemh feihyiz.**
- ④ **Cangzgvangjih Diegcumx Gunghyenz hekyouz daejniemh hangh-moeg gwnz raemx.**
- ⑤ **Hekyouz youq Siujdenzmiz Nungzcangz naengh siuj hojceh.**
- ⑥ **Lungzswng Sinhwnngzyenz boiqgienh swngghanj cehgenh.**

